

**ՎԱՐԴՊԵՍ ՍՈՒՐԵՆՅԱՆՑԻ ՆԿԱՐԱԶԱՐԴԱԾ ԳՐԵՒ
ԳՐԱՖԻԿԱՅԻ ԱՆՉԱՅՏ ԷՋԵՐԸ**

Վարդպես Սուրենյանցը հայ կերպարվեստ մուտք գործեց այն պահին, երբ չկար գրքի նկարազարդման մշակույթ:¹ Նկարչի պահպանված ձեռագրերում հանդիպում ենք բազմաթիվ նմուշների, որոնցից պարզ է դառնում, թե նա որքան խոշոր տեղ է հատկացրել գրքի նկարազարդման արվեստին, ինչպես լուրջ է ուսումնասիրել յուրաքանչյուր ստեղծագործությունում ամեն մի տողը:

Վերջերս մեզ հնարավորություն ընծեռնվեց մասնավոր հավաքածուում ծանոթանալ նկարչի գրքի նորահայտ նկարազարդումներին, որոնք առնչվում են հայ ականավոր բանաստեղծ ու գրող Յովհաննես Թումանյանի «Թմբկաբերդի առումը» էպիկական ասքին (պոեմը գրվել է 1902 թ., իսկ հրատարակվել 1905 թ.): Ինչպես տեղեկացանք, Թումանյանը ժամանակին՝ 1915 – 1916 թթ., Սուրենյանցի նկարազարդած պոեմի այս էջերը վաճառել է հայ գաղթականներին օգնելու նպատակով, իսկ հետագայում դրանք հայտնվել են ոմն Յմայակ Սորյանի մոտ, որը նույն թվականներին Թիֆլիսում է ապրել:

Սուրենյանցին նվիրված մենագրությունների և հոդվածների մեջ այս պոեմը նկարազարդելու մասին որևէ տեղեկության չենք հանդիպում, և այս առումով այս երկու պատկերազարդ էջերն առավել արժեքավոր և նշանակալից են դառնում արվեստի պատմության ուսումնասիրման տեսանկյունից: Հավելենք, որ փոխաբերել մենք ունենք որոշակի ստույգ տեղեկություններ, որոնք լույս են սփռում մեզ հետաքրքրող խնդրի վրա: Այսպես, հայտնի է, որ 1906 թ. Սուրենյանցը նախաձեռնել էր հայկական հեքիաթների, այդ թվում նաև Յովհաննես Թումանյանի «Մոխրոտի» և «Գառնիկ Ախպերի» նկարազարդումը²: Այդ ձևավորումների մեզ հասած առանձին էջերը լրիվ պատկերացում են տալիս ժողովրդական ստեղծագործության նկատմամբ նկարչի ունեցած մոտեցման մասին:

¹ Ինչպես նշում է արվեստաբան Ռուբեն Դրամբյանը. «Նա գրեթե միակն էր XIX -րդ դարի և XX-րդ դարի սկզբի հայ արվեստում գրքի նկարազարդման գրաֆիկայի բնագավառում»: (Драмбян Р., Варагес Суренянц (к 30 — летию со дня смерти). "Коммунист", 1951, 6 апреля, N 80 (5097) с. 4)

² Հայկական ժողովրդական հեքիաթների առաջին էջերը Սուրենյանցը ցուցադրում է 1906 թ. Պետերբուրգում. Լեոնարդո դա Վինչիի անվան միության ջրաներկերի երկրորդ ցուցահանդեսում: (Ղազարյան Մ., Վարդպես Սուրենյանց, Ե., 1960, էջ 47)

Մենք գիտենք նաև, որ 1900 - ական թթ. Սուրենյանցը կապեր էր հաստատել ու մտերմացել Ալ. Ծատուրյանի, Ալ. Սպենդիարյանի և Դովի. Թումանյանի³ հետ, մի բան, որը նպաստել է նրա ստեղծագործական ընթերցումների և մտահղացումների հարստացմանը: Ուշագրավ է, որ 1916թ.⁴ «Հայ արվեստագետների միության» ընդհանուր ժողովի բացման առիթով և շնորհավորման ճառեր արտասանողների մեջ Դովի. Թումանյանից և Ալ. Շիրվանզադեից բացի ելույթ է ունեցել նաև Սուրենյանցը:⁵ Ստեղծման հարաբերություններ ունենալով Ալ. Սպենդիարյանի հետ՝ նկարիչը դեռ 1907–1908 թթ., կոմպոզիտորին հուշել է Դովի. Թումանյանի «Թմբկաբերդի առումը» պոեմի հիման վրա օպերա ստեղծելու գաղափարը:⁶ Ավելի՛ն՝ կոմպոզիտորին ոգևորելու նպատակով նկարիչը «դեռ չգրված այդ երաժշտական ստեղծագործության համար բեմական դեկորների և տարազների էսքիզներ է վրձնել»:⁷

Մեր սույն հոդվածի ուսումնասիրության առարկան հանդիսացող Վ. Սուրենյանցի նկարազարդած նորահայտ երկու էջերը (20X26 և 18X24) կրում են նկարչի ստորագրությունը, և միայն նրանցից մեկն ունի ստեղծման տարեթիվ՝ 1906 թվական: Այս հիշատակությունը մեզ օգնում է, թերևս, պարզել նաև նկարազարդ մյուս թերթի նույն թվականին ստեղծված լինելը: Պոեմի նկարազարդ էջերի մեջ առկա են ոչ միայն առանձին իրերի, կերպարների նրբագույն զգացողություն, միջավայրի ու պատմական գունազգացողության հարազատություն, այլև գրքի ձևավորման մշակույթի բարձր մակարդակ: Այս էջերը յուրահատուկ մի գրավչություն ունեն. արտահայտում են Սուրենյանցի արվես-

³ Սանյա Ղազարյանի՝ Սուրենյանցին նվիրված մենագրության մեջ գետեղված նկարչի ստեղծագործությունների ընդհանուր ցանկում հիշատակվում է «Դովիանցես Թումանյանի դիմանկարը» վերադասությամբ նկարը, որը գրքի հեղինակը թվագրել է 1912 թվականով, և ճատնանշել, «գտնվելու վայրն անհայտ է» (Ս. Ղազարյան, Վարդգես Սուրենյանց, Ե., 1960, էջ 91)

⁴ Վ. Սուրենյանցն իր գրական ժառանգությունը՝ թարգմանական և ինքնուրույն մի շարք գործեր 1916 թ. «հանձնել է Դովիանցես Թումանյանին՝ ցանկություն ունենալով հրատարակել դրանք Հայոց դրամատիկական ընկերության միջոցներով»: (Ղազարյան Ս., Նյութեր Վարդգես Սուրենյանցի կյանքից (նկարչի մահվան 30 - ամյակի առթիվ), Վ. Սուրենյանցի գրական ժառանգությունը, տետր N 1, 73 զԿԱ Արվեստի ինստիտուտի արխիվ):

⁵ Ղազարյան Ս., Կյանքի վերջին տարիները, «Սովետական արվեստ», 1960, N 6, էջ 2:

⁶ Սակայն Սպենդիարյանը օպերայի ստեղծմանն ամբողջապես ձեռնաձուլիս չեղավ: Շուրջ մեկ տասնամյակ անց, 1916 թ. փետրվարի վերջին և մարտին Սպենդիարյանը, գտնվելով Քիշինյուսում, ծանոթանում է Դովի. Թումանյանի հետ: Բանաստեղծն օպերայի լիբրետոյի ստեղծման համար առաջարկում է իր երեք պոեմները՝ սկզբում՝ «Անուշը», ապա «Փարվանան» և «Թմբկաբերդի առումը»: Եվ, ահավասիք, Սպենդիարյանի ընտրությունը կանգ է առնում վերջինի վրա: Իսկ «Ավստտ» օպերան լույս աշխարհ է գալիս միայն 1928 թ. երբ նկարիչն արդեն հեռացել էր կյանքից:

⁷ Աղայան Ա., Վարդգես Սուրենյանց, Նշանավոր ճեմարանականները, Պրակ Բ., Էջմիածին, 2009, էջ 414:

տի վառ ինքնատիպությունը: Պոեմը նկարչին հնարավորություն է տվել իր նախասիրություններն արտահայտել որոշակի գեղավեստական կերպարներով: Պարսկական կենցաղի ազգային ինքնատիպ պատկերը ցայտուն կերպով դրսևորված է Նադիր Շահին պատկերող նկարազարդ էջում, որտեղ շատ լավ է իմաստավորված պատկերի կառուցվածքը՝ խանի տիրական դիրքով, իսլամական նիստ ու կացին բնորոշ կահավորանքով, դրվագված սեղանիկով՝ ամբողջական տպավորություն ստեղծելով արևելյան տիրակալի կենցաղի մասին: Այս նկարազարդ էջի պատկերման մեջ երևան է եկել նկարչի նախորդ գործերից մեզ հայտնի օթոցին բազմած տիրակալների կերպարը: Դա վերաբերում է և պարսկական տպավորությունների ներքո ստեղծված «Շահի հանգիստը» նկարի շահի (շահերին պատկերող այս նկարների բնաթանը հանդիսանում է «Շահի հանգիստը» ստեղծագործությունը), և Ա. Պուշկինի «Բախչիսարայի շատրվանը» պոեմի նկարազարդումներից Գիբեյ խանին պատկերող թերթի, և ավելի ուշ ստեղծված Մահմուդ Ղազնևի շահին պատկերող կերպարներին «Ֆիրդուսին կարդում է իր «Շահ – Նամեն» Մահմուդ Ղազնևիին» ստեղծագործության մեջ: Փաստորեն Ա. Պուշկինի վերը նշված պոեմից հետո, «Թմբկաբերդի առումը» էպիկական ասքը հեղինակի նկարազարդած երկրորդ պոեմն է և որից երկու էջերն են մեզ առայժմ հայտնի: Նադիր Շահին պատկերող նկարազարդ էջի հմայքը նրա հորինվածքի կառուցվածքով և հմտությամբ.



Վ.Սուրենյանց, Հովի. Թումանյանի «Թմբկաբերդի առումը» պոեմի նկարազարդումներից «Նադիր Շահ», 1906 թ.



Վ.Սուրենյանց, Շահի հանգիստը, 1887 թ.



Վ. Սուրենյանց, Պուշկինի «Բախչիսարայի շատրվանը» պոեմի նկարազարդումներից.
«Գիրեյ խան», 1897թ



Վ. Սուրենյանց, Ֆիրդուսին Շահ Մահմեդ
Ղազնևիի մոտ



Վ. Սուրենյանց, Ֆիրդուսին կարդում է իր
«Շահ – Նամեն» Մահմուդ Ղազնևիին»,
1913 թ.

Ճկուն կոր զծերով պատկերված կերպարների համադրության մեջ է: Նկարի կոմպոզիցիան իր անկյունագծային կառուցմամբ արծազանքում է նկարչի Գիրեյ խանին, Մահմուդ Ղազնևիին պատկերող նկարներին: Սուրենյանցը, այստեղ ըույնպես մեծ նշանակություն տալով միջավայրին, իրեն հատուկ հնարամտությամբ և բծախնդիր պահանջկոտությամբ, օգտագործել է ձեռքի տակ ունեցած նյութերը՝ կիրառական առարկաները, տարազը (որոնց բազմաթիվ պատկերումներին հանդիպում ենք նրա արևելյան ստեղծագործություններում) և վրձնել իրական պատմա-ազգագրական մանրամասներով հարուստ հորին-

վածք: Ի տարբերություն մյուս խաների պատկերների, այստեղ լիակատար դրսևորում չի գտել Սուրենյանցի շեշտված հակումը դեպի իրերի առարկայական մանրամասնությունները, զարդանախշը: Դա առավել արդարացված է նկարազարդ մյուս էջի համար, որտեղ դրամատիկ գործողություն է ծավալվում, և այդ դեպքում օրնամենտը կխանգարի գործողության ամբողջական ընկալմանը: Ի տարբերություն գրաֆիկական եղանակով արված նկարչի բազմաթիվ նկարազարդումների, Թումանյանի « Թմբկաբերդի առումը » պոեմի այս երկու պատկերազարդ էջերը կատարված են ոչ թե գրաֆիկական, այլ գեղանկարչական միջոցներով՝ այդպիսով աղերսվելով նկարչի վրձնած «Գառնիկ Ախպերը» հեքիաթին:

Պոեմը նկարազարդելիս Վ. Սուրենյանցը ելակետ է ընդունել նրա բովանդակությունն արտացոլող ամենաբնորոշ դրվագները՝ այս երկու պատկերների մեջ գեղարվեստական հուզիչ պատկերավորմամբ խտացնելով նրա գաղափարը: Գրական երկի դրամատիկականությունն է բացահայտված նկարչի վրձնած մյուս էջում, որտեղ, թերևս, ներկայացված է Ջավախքի դստերը պատժելու, «ժեն քարից», «քարի ծերից» դեպի ծոր նետող տեսարանը:

Այստեղ պատկերված գինձորի կերպարին հանդիպում ենք նաև և «Ջաբել քազուհու վերադարձը գահին» (1909 թ.), և « Ֆիրդուսին կարդում է իր «Շահ – Նամեն» Սահմուդ Ղազնկիին » (1913 թ.) կտավներում: Իսկ ինչ վերաբերում է Թմկա տիրուհուն, ապա նրա հոգեվիճակը, ասես, արծագանջում է Սուրենյանցի վրձնած «Բախչիսարայի շատրվանը» նկարազարդումներից «Թաթարների ներխուժումը » պատկերող էջի Մարիի կերպարին:



Վ. Սուրենյանց, Հովի. Թումանյանի «Թմբկաբերդի առումը » պոեմի



Վ. Սուրենյանց, Թաթարների ներխուժումը, 1898 թ. («Բախչիսարայի շատրվանը» նկարազարդումներից)

Նկարագարող այս էջում Սուրենյանցը հնարամտորեն է օգտագործել հողագույն թուղթը որպես հիմնական ֆոն և մեղմ երանգների օգնությամբ ստեղծել է իրողությանը համապատասխան համոզիչ պատկեր: Այս սկզբունքով է նկարիչն առաջնորդվել նաև Հովի. Թումանյանի վերը նշված հեքիաթը նկարագարողելիս: Հորինվածքի կառուցման ժամանակ նկարիչը թեմային տվել է դրամատիկական լուծում և հոգեբանական խտացման միջոցով հասել ստեղծագործության արտահայտչականության:

Խորն ուսումնասիրելով գրական երկի բովանդակությունը, շեշտելով և ծշարտացիորեն արտահայտելով նրա կարևոր, ազգային ու պատմական յուրահատուկ կողմերը, նկարիչը հարագատ է մնացել պոեմի ոգուն, բովանդակությանը՝ բացահայտելով հերոսների բազմազան հոգեկան ապրումները:

Իրական, ծշարտացի, կենդանի և հուզիչ պատկերների վերածված այս նկարագարող էջերն իրենց զուսպ գեղանկարչական միջոցներով ու արտահայտիչ ճաշակով, կոմպոզիցիայի ու գունազգացողության ինքնատիպ լուծումով բացառիկ հմայք ունեն և խոշոր ավանդ են մեր գրքի գրաֆիկայում: